

Den Ambiente



JAN POETS

Segun Claudius Philips...

"SINGING J" A MARCA HISTORIA Y E MESTER PARTICIPA...



** Despues cu DEN AMBIENTE a entrevista "Singing J", kende a declara cu e no tin rencor contra Claudius Philips, DEN AMBIENTE a busca e otro banda di medalla for di Claudius Philips.

Claudius a cuminsa ta declara cu su persona hunto cu su grupo O.R.E.O., a sinta y a delibera e asunto tocante e incidente cual a tuma lugar diavieirne ultimo na un radio-emisora, entre su persona y "Singing J".

Despues cu nan a delibera y a bin descubri ta na unda e "setup" a inicia, nan a tuma e desicion entrenan con pa bay soluciona e polemica aki, cu no mester tabata un problema.

Segun Claudius cu e ta sospecha cu tin hende ta uza "Singing J" pa trata di kibere di e forma inhusto aki.

Claudius ta declara cu e no por compronde con algo di un aña pasa, por a ser "blow out" di un forma asina exagera. Ta solamente e la pidi "Singing J" su cooperacion pa no subi riba e truck, pasobra e truck ta demasiado yen cu musiconan.

Semper tabata nan customber pa laga sea e Rey of Reina canta den e multitud, pa di e

forma aki e por sinti e calor di e ambiente hunto cu su publico.

Pero tog "Singing J" a subi riba e truck, y nan no a bahe. Aki tog a keda demostra segun Claudius, cu nan no tabata tin ningun mal intencion cu "Singing J".

Pa Claudius e asunto aki a termina, y nan tambe no tin ningun rencor contra "Singing J", y hasta nan ta dispuesto pa acompaña su persona durante e Calypso y Roadmarch Queen & King Festival.

Den un forma cla! Claudius a laga sa cu e ta lamenta pa locual a pasa, y mas ainda cu "Singing J" ta declara cu e no lo bay participa pa asina defende su titulo como Reina di Calypso. E ta haya cu "Singing J" mester bay participa sea cu O.R.E.O. of cu cualkier agrupacion musical, pasobra aki ta trata di algo historico como kiera cu "Singing J" ta e promer Reina di Calypso den historia di Aruba su carnaval.

E ta hasi un recomendacion na "Singing J" pa e no bay tras di premio, pasobra su persona mes tin casi 11 aña ta lucha pa esaki. Pero loke ta mas importante, ta participa pa bo publico, loke pa su persona tin mas valor cu e premionan.

Na final di e entrevista aki, Claudius y su grupo O.R.E.O. ta hasi un suplica na "Singing J", pa e reconcidera su desicion y participa pa asina alaves defende su titulo.

"Singing J" mester compronde cu e titulo cu e la conquista, e la marka historia como e promer Reina di Calypso Festival, y e no por defraudar su publico, djis pa algo cu a ser exagera, y alaves complace esnan cu ta tras di e acto inhusto aki, asina Claudius a finaliza e entrevista aki pa DEN AMBIENTE..

"CALYPSO QUEEN SINGING J" NO TIN RENCOR CONTRA "MIGHTY TALENT"

** DEN AMBIENTE a ricibi un yamada for di "Singing J", kende kier contesta e articulo cu a sali den un matutino diavieirne ultimo, (cu no ta DIARIO) na unda e articulo cu a sali ta bisa cu si "Singing J" tin un problema personal, e mester garga su mesun problema, y no tire riba Claudius Philips.

Locual "Singing J" kier bisa ta cu ta Ruben Garcia a aserca su persona pa un entrevista. Tur locual e la bisa ta djis papia e berdad cu a pasa cu su persona, y no tabata su intencion pa boycotea of ta trata pa kibra Claudius Philips.

"Singing J" ta desea, segun su palabranan, pa e persona responsabel pa e articulo ey, purba averigua di ambos banda prome cu hinca boca den asuntunan cu no ta berdad. Tambe prome cu pone su nomber den publicidad, "pa busca drechi riba e berdad", el



a laga sa.

Tambe "Singing J" a declara cu e no lo participa y defende su corona como Reina di Calypso, te ora cu A.S.O.M.A. bin na un acuerdo mihor cu nan tin actualmente.

E acuerdo cu nos promer Reina di Calypso ta referi, ta na e promesanan cu nan ta priminti, y cu nan no por cum-

pli. Tambe "Singing J" no ta contento "att all" pa e forma cu e la ser laga for di e CA-SOCA festival.

E ta spera cu e musiconan por haya un tiki mas cu locual nan ta haya, y E ta compronde cu ta e prome aña di A.S.O.M.A., y di errorman comete bo ta siña.

"Singing J" ta spera cu A.S.O.M.A. lo no tume na malo, pasobra ta djis e berdad e la papia, y cu den su opinion e la papia e cosnan cu e no a gusta. Pues si nan por drecha cierto cosnan cu nan ta hasi, manera e.o. e premionan cu por sikiera pone un tiki mas placa, y stop di corda tur hende riba e añanan anterior.

Actualmente nan ta na mando, pues nan mester demostra e mihor pa e musiconan. Tampoco na final di e entrevista aki, "Singing J" ta declara "mi no tin ningun rencor contra Claudius Philips".

Amc. Unicon

BENDEADOR(A)

Pa nos negoshi den Fergusonstraat 41, nos tin lugar pa un:

"BENDEADOR(A)"

Exigencianan ta:

- Edad entre 20 y 30 aña
- Eseñanza minimo MAVO of LTS
- Interesa den aparatonan electronico

Nos ta ofrece:

- Un salario atractivo cu commision.
- Condishonan secundario favorabel

Interesados por solicita personalmente despues di a haci un sita via telefoon 23555 cu Sr. G. Commenencia na nos oficina den Tomatenstraat s/n.

Fergusonstraat, Telefoon: 33430
Havenstraat, Telefoon: 21145
Zeppenfeldstraat, Telefoon: 45635



AMC UNICON